

## **UKIUMUT ANINGAASANUT PILERSAARUSIORFIMMUT 2005-IMUT ATAATSIMO- ORTUMIK TAPIISSUTISSAT PILLUGIT TAPILIUSSATUT ISUMAQATIGIISSUT**

### **I. Aallaqqaasiut**

Ukiumut aningaasanut pilersaaruseriorfimmut 2005-imut ataatsimoortumik tapiissutissat pillugit tapiussatut isumaqatigiissut una pingaarnertut isumaqatigiissummut "Namminersornerullutik Oqartussat aamma kommunit ukiumut aningaasanut pilersaaruseriorfimmut 2005-imut ataatsimoortumik tapiissutissat pillugit isumaqatigiissut"mut, illuatungeriit juunip 22-anni 2004 atsiugaannut tapiliunneqarpoq. Kommuninut 2005-imi ataatsimoortumik tapiissutissat taamaalillutik ataatsimoortumik tapiissutissat pillugit isumaqatigiissut juunip 22-anni 2004-meersoq tapiiussatullu isumaqatigiissut manna tunngavigalugit tunniunneqartussaapput.

### **II. Ataatsimut isigalugit**

#### **Annertussusileriikkamik ikiorsiissutit tamakkiisunngortinneqarnerannik inatsisit akuersissutigineqarneri**

Ukiumut aningaasanut pilersaaruseriorfimmut 2005-imut ataatsimoortumik tapiissutissat pillugit isumaqatigiissummi takuneqarsinnaavoq: "Naalakkersuisut Inatsisartut ukiakkut ataatsimiinneranni siunnersuutiginiarpaat annertussusileriikkamik ikiorsiissutit akileraarutaasalissasut SIK-llu minnerpaamik akissarsiarititaasa 90 procentiinut qaffanneqarlutik."

Inatsisit tamakkununga tunngasut Inatsisartunit allanngortinneqarnerannut atasumik 2005-imut ataatsimoortumik tapiissutissat pillugit isumaqatigiissummut tapiiussamik isumaqatigiissuteqartoqartussaavoq. Namminersornerullutik Oqartussat taamaalillutik Inatsisartut inatsisinik allannginerata toqqaannartumik sunniutaanut 2005-imut ataatsimoortumik tapiissutissat aqquitalugit kommunit taarsiiffigissammatigik.

#### **Assigiimmik akeqartitsinerup nutarterneqarnissaata akuersissutigineqarnera**

Ukiumut aningaasanut pilersaaruseriorfimmut 2005-imut ataatsimoortumik tapiissutissat pillugit isumaqatigiissummi takuneqarsinnaavoq: "Naalakkersuisut assigiimmik akeqartitsinerup nutarterneqarnissaanik Inatsisartut 2004-mi ukiakkut ataatsimiinneranni siunnersuuteqarniarput. Illuatungeriit isumaqatigiippat assigiimmik akeqartitsinerup nutarterneqarnissaa piviusunngortinniarluigu Inatsisartut aalajangissappata kommuninut ataatsimoortumik tapiissutissat isumaqatigiinniutigeqqinneqassasut, kommunit ataatsiakkaarlutik 2005-imi atuinertik allanngortinnagu assigiimmillu akeqartitsinerup nutarterneqarneragut aningaasartuutigineruligassaata aningaasartuutikillissutissaallu ataatsimoortumik tapiissutitigut nalimmassarneqarsinnaaqullugit."

Assigiimmik akeqartitsinerup piviusunngortinneqarnissaanut aningaasaliissutitigut tunngavissat Inatsisartunit akuersissutigineqarpata taava tamatumunga atatillugu nutarterinermut atasumik kommunit aningaasartuutigineruligassaasa aningaasartuutikillissutissaasalu nalimmassarneqarnissaannik tapiiussamik isumaqatigiissusiortoqassaaq.

### **III. Immikkoortut aalajangersimasut annertussusileriikkamik ikiorsiissutit tamakkiisunngortinneqarnerannut atatillugu isumaqatigiinniutigisassat.**

#### **Kommunit ataatsimoortumik akileraarutitigut isertitaasa iluarsiiisuteqarfiginissaat**

Kommunit ataatsimoortumik akileraarutitigut isertitaasa iluarsiiisuteqarfigineqarnissaat immikkoortumi matumani takutinneqartoq kommuninut ataatsimoortumik tapiissutit amerlassusiinut sunniuteqassanngilaq, tassa iluarsiiisuteqarnissaq tamanna tassuuna pinnani kommunit ataatsimoortumik akileraarutitigut naligiissaaffigineqartarneratigoortumik pisussaammat.

Ataatsimoorullugu naatsorsuinertigut erserpoq Kalaallit Nunaanni tamarmi suliffissaqanngitsutut nalunaarsimasut 2.500-uppata annertussusileriikkamik ikiorsiissutit tamakkiisunngortinneqarnerata kinguneranik kommuninut ataatsimoortumik akileraarutit katillugit 3.366.149 kr.-nik 2005-imi qaffakkumaartut naatsorsuutigineqarsinnaasoq. Tamatuma nassataanik Namminersornerullutik Oqartussat kommuninut ataatsimoortumik akileraarutitigut isertitassatut missiliuutit 2005-imi katillugit 4 mio. kr.-nik qaffatsereersimavaat.

Naatsorsuinermit tunngaviuvoq suliffissaaleqisut 2.500-t, aamma 2003-mi inuttussutsit agguaqatigiissinnerat najoqqutaralugu ilaliussaq 1-imi takutinneqartutut agguataarsimassasut.

Aannertussusileriikkamik ikiorsiissutit tamakkiisunngortinneqarnerata kingunerisaanik kommunit ataatsimoortumik akileraarutitigut isertitaasa iluarsiiisuteqarfiginissaat, kommunit ukiuni tulliuuttuni ataatsimoortumik akileraarutitigut katillugit isertitassasut ilimagineqartut pillugit Akileraartarnermut Pisorta qarfiup naatsorsuinerinut ilanngunneqassapput, missiliuutit aalajangersarneqarneriniit aningaasanut ukiorisat marluk qaangiunneranni isertitarineqartutut piviusunngortitat kingunerannik ingerlaavartumik iluarsiiiffigineqartassallutik. Kommuninut ataatsimoortumik akileraarutitigut isertitat piviusunngortinneqartut kingunerannik siullermeerluni iluarsiinissaq, annertussusileriikkamik ikiorsiissutinik pisartunik ilaqartussa, Akileraartarnermut Pisorta qarfiup 2007-imi ingerlatissavaa.

#### **Tamat naatsorsuutigereerlugit annaasassanut taarsiissutissat**

Kommuninut ataatsimoortumik akileraarutitigut sunniutaajumaartut saniatigut annertussusileriikkamik ikiorsiisuteqartarnerup tamakkiisunngortinneqarnera tamat naatsorsuutigereerlugit kommuninut annaasaqaataassasoq naatsorsuutigineqarpoq. Ataatsimoorullugu naatsorsuinertigut erserpoq ukiumut inuit 2.500-t suliffissaaleqippata kommunit 2005-imi tamat naatsorsuutigereerlugit annaasassat 3,5 mio. kr.-ussasut. Tamat naatsorsuutigereerlugit annaasassat kommuninut ataatsikkaanut assigiinngisitaartumik sunniuttussaapput.

Taamaattumik illuatungeriit isumaqatigiipput 2005-imut kommuninut ataatsimoortumik tapiissutit aqutugalugit kommunit annaasaminut 3,5 mio. kr.-nik taarsiisuteqarfigineqassasut, taakku 2003-mi agguaqatigiissillugu inuttussutsit najoqqutaralugit ilaliussaq 2-mi takutinneqartutut agguanneqassallutik.

### **IV. Assigiimmik akeqartitsinerup nutarterneqarnerata kinguneranik isumaqatigiinniutigisassat aalajangersimasut**

Assigiimmik akeqartitsinerup nutarternissaata piviusunngortinnissaannut aningaasaliissutitigut tunngaviusussat Inatsisartunit akuerineqarnerannut atatillugu Naalakkarsuisut akinik nutaanik, assi-

giimmik akeqartitsinerup nutarterneqarnissaaanut piviusunnguutaasussanik, 2005-imiit atuutilersunik akuersissuteqassapput.

Illuatungeriit tamatumunnga atatillugu ilisimatitsissutigissavaat ukiumut aningaasanut pilersaarusi-orfimmut 2005-imut ataatsimoortumik tapiissutissat pillugit Namminersornerullutik Oqartussat kommunillu isumaqatigiissutaata, juunip 22-anni 2004-mi atsiorneqartup, isumaqatigiinniutigineqarnerani kisitsisitigut tunngavigineqartut assigiimmik akeqartitsinerup nutarterneqarnissaanik Naalakkersuisut siunnersuutaata allanngortimmagit.

Allannguutip ilaa kommunit karsiinut toqqaannartumnik sunniuttussaq tassaavoq illuliorfissanik piareersaasarnermi nalikilliliisarnertigut, aamma pilersuinikkut atortorisat tapiissutitigut aningaasalersugaasutigut aningaasartuutit naalakkersuisut ilimasaarutigeriikkamittut agguassinermi naatsorsuutininut ilanngummatigut. Tamanna ataatsimortumik aningaasartuutit, taamalu aningaasartuutit naatsorsuutigalugit akit angissusiligaanerininut allannguutinik nassataqarpoq.

Assigiimmik akeqartitsinerup nutarterneqarneratigut sumi najugaqarneq aalajangiisuutillugu aningaasartuutit naatsorsuutigalugit akiusussanut ikaarsaariarneq aallartissaaq, makkuninnga ikaarsaariarnermut naligiissaanermullu aaqjissuussiffiulluni:

Illoqarfinni nunaqarfinnilu ataatsimoortumik aningaasartuutit massakkut nuna tamakkerlugu atuutumik assigiimmik akigititamit appasinneruffigissaanni jannuaarip aallaqaataanit 2005 akikillilisoqassaaq. Taamaattorli aki taanna massakkut nuna tamakkerlugu atuutumik assigiimmik akigititap, aningaasartuutit qaffaataat iluarsissutigereerlugit, minnerpaamik 50%-ianik angissuseqassaaq.

Illoqarfinni nunaqarfinnilu ataatsimoortumik aningaasartuutit massakkut nuna tamakkerlugu atuutumik assigiimmik akigititamit qaffasinneruffigisaanni, akit jannuaarip aallaqaataanit 2005-imiit 2009-mut ukiumut 10 pct.-imik qaffattassapput, taamallilluni akiusoq 2009-mi massakkut nunamut tamarmut atuutumik assigiimmik akiusup aningaasartuutit qaffaataat iluarsissutigereerlugit 150 pct.-ianik angissuseqassalluni.

Assigiimmik akeqartitsinerup nutarterneqarnerata kommuninut kingunerissavaa kommunit innaalagissamut, imermut kiassarermullu aningaasartuutaasa tamarmik, 2003-misulli atuineq annertususeqarpat 2005-imi 5,3 mio kr.-nik appariarnissaat.

### **Assigiimmik akeqartitsinerup nutarternerata kinguneranik aningaasartuutit qaffaatissaasa appaatissaasalu nalimassarneqarnissaat**

Assigiimmik akeqartitsinerup nutarterneqarnera kommunini ataasiakkaani assigiinngitsumik sunniutissaaq.

Illuatungeriit isumaqatigiipput assigiimmik akeqartitsinerup nutarterneratigut kommunit aningaasartuutaat qaffannatilluunniit appasannigitsut. Taamaattumik isumaqatigiissutaavoq assigiimmik akeqartitsinerup nutarterneratigut kommunit aningaasartuutaasa qaffaataat appaataallu, 2005-imut kommuninut ataatsimoortumik tapiissutit aqutugalugit immikkoortitaartumik agguanneqassasut.

Naatsorsuinertigut erserpoq assigiimmik akeqartitsinerup nutarterneratigut kommunit aningaasartuutaasa qaffaataat appaataallu ilaliussaq 3-mi takutinneqartutut agguassimassasut.

Ataatsimoortumik tapiissutissanut iluarsiiisutissat naatsorsornerini 2003-misulli atuisoqarnissaa aallaavigineqarpoq.

Illuatungeriit isumaqatigiipput kommunit atuinerat malittariumallugu, tassa ataatsimoortumik tapiissutissanut iluarsiiisutissani 2003-misulli atuisoqarnissaa aallaavigineqarmat.

Illuatungeriit tamanna tunngavigalugu isumaqatigiipput 2005-imi ataatsimoortumik tapiissutissat ilaliussaq 3-mi ersersinneqartutut 5,3 mio. kr.-inik appartinniarlugit.

## **V. Allanut tunngasut**

### **Isumaqatigiissuteqarnermi apeqquatainneqartoq**

Aningaasaliissutit Inatsisartunit akuersissutigineqarnissaat apeqquataillugu taamatut isumaqatigiissuteqartoqarpoq.

Nuuk, ortuubarip 28-at 2004



Josef Motzfeldt  
Aningaasanut Nunanullu  
Allanut Naalackersuisoq



Jens Lars Fleischer  
Kalaallit Nunaanni Kommuneqarfiit Kat-  
tuffianni siulittaasoq